



შირაქი

SHIRAKI

www.open.ge

გამოცემის 1937 წლიდან

დედოფლისწყაროს მუნიციპალიტეტის გაზეთი

№12 (9.726)

2-9 აპრილი 2016 წელი

ფასი: 50 თეთრი

ყოველკვირეული გამოცემა

მიბრაცის პრობლემა მუსიკალურ ჭრილში



გვ.2

ინფრასტრუქტურული პროექტების განხორციელება განახლდა



გვ.3



მშირა ბიზნესი = დამოუკიდებელ შემოსავალს



გვ.3

„გაზაფხულდა, აყვავილდა ნუში...“



გვ.6

ნიკოლოზ ჯანიაშვილი: „გაზაფხული დადგა და თითქმის მთელი დედოფლისწყაროს მუნიციპალიტეტის მამულებით ინფრასტრუქტურული სამუშაოები აქტიურ ფაზაში შევა. დღესდღეობით ორი ობიექტის მშენებლობა დაწყებულია. ერთი არის №3 საბავშვო ბაღის მიმდებარე ტერიტორიაზე მინი სპორტული მოედნის და ბავშვთა გასართობი ატრაქციონების მონყობა.“



ფეინიზმი-პროგრესი თუ ანომალია?

გვ.4

2016 წლის აპრილიდან შპს „რეგიონული ჯანდაცვის ცენტრი“ ერთვება „დაავადებათა ადრეული გამოვლენა და სკრინინგის“ პროგრამის „კიბოს სკრინინგის“ კომპონენტში, რომლის მიზანია დაავადებათა ადრეული გამოვლენა.

პროგრამით გათვალისწინებული უფასო მომსახურება მოიცავს:

1.საშვილოსნოს ყელის სკრინინგი, 25-60 წლის ჩათვლით ასაკის ქალებში, კერძოდ:

- ა) გინეკოლოგის კონსულტაცია;
- ბ) პაპ-ტესტი

2.საშვილოსნოს ყელის კოლპოსკოპიური სკრინინგი, 25-60 წლის ჩათვლით ასაკის ქალებში,საჭიროების შემთხვევაში:

- ა) კოლპოსკოპიური კვლევა;
- ბ) ბიოფსიური მასალის აღება, კვლევა.

მსურველებს შეუძლიათ მიაკითხონ რეგიონული ჯანდაცვის ცენტრის დედოფლისწყაროს სამედიცინო დანესებულებას.



რა არის აუტიზმი და რა სიმპტომების არსებობის შემთხვევაში უნდა მივმართოთ ექიმს

გვ.7



მიგრაციის პრობლემა მუსიკალურ ქრილში

ახლახან, ერთ-ერთი პოულარული ჯგუფის „ჩვენებურები“ მორიგი სატელევიზიო კლიპი გამოვიდა, რომელიც დედოფლისწყაროს სოფელ არბოშიკშია გადაღებული. კლიპის პრეზენტაცია სულ ახლახან შედგა. იდეის და მუსიკის ავტორი სოლომონ გოგაშვილია, რომელიც ამავე სოფლიდანაა და არბოშიკის პრობლემებზე გული განსაკუთრებით შესტკივა.

მუსიკალური ვიდეორგოლი საქართველოს სოფლებში მიგრაციის პრობლემის გამწვავებას ეძღვნება და მასში ნათლადაა ასახული, როგორ იცლებს სოფლები. კლიპში ნაჩვენებია მიტოვებული სახლები და ბავშვების გარეშე დარჩენილი სოფლები. არბოშიკის მაგალითზე ეფექტურადაა ასახული, რომ სოფლის ბირჟებს აქა-იქ მხოლოდ ასაკოვანი მაცხოვრებლები შემორჩენენ და ახალგაზრდობის პოვნა თითქმის შეუძლებელია.

სოლომონ გოგაშვილი (მუსიკის და იდეის ავტორი): „არბოშიკიდან ვარ და ამიტომ ყველაზე მეტად ამ სოფელზე შემტკივა გული და მინდოდა სწორედ აქ გადამეღო. უკვე 12-14 წელია ფესტივალ „არტგენთან“ ერთად ვმოგზაურობ საქართველოს რეგიონებში. ამ ფესტივალის ფარგლებში ყოველწლიურად სხვადასხვა რეგიონში ტარდება შემოქმედებითი ღონისძიებები და ვხედავთ, უფრო და უფრო როგორ იცლება სოფელი. ყოველწლიურად უფრო ნაკლები ახალგაზრდა რჩება სოფელში. ურბანიზაცია კარგი სიტყვაა, მაგრამ ამან საქართველოში ცოტა სხვა სახე მიიღო. ბოდიშს ვუხდის ყველას, ვისაც სოფელში სახლ-კარი მიტოვებული აქვს, სხვაგან ცხოვრობს და იქ ჩასვლას წლების მანძილზე ვერ ახერხებს. აქ სხვა პრობლემა დგას. ძალიან მტკიოდა ეს, განვიცდიდი და მინდოდა, სათქმელი რამენაირად მეთქვა. სულ საქართველოში 3 200-მდე სოფელი იყო, საიდანაც 1 100 დაიცალა. დამეთანხმებით, რომ სტატისტიკა, რომელიც მოვიძიეთ, ძალიან საგანგაშოა. 480 ქართულ სოფელში საერთოდ აღარავინ ცხოვრობს, 300 სოფელში თითო კაცი შემორჩა, 200 სოფელში კი 1-დან 10 კაცამდე ცხოვრობს.

– კახეთში, შედარებით მჭიდროდ დასახლებული სოფლებია, გაცილებით რთული ვითარება იქნება სხვა რეგიონებში...

– კლიპში მონაწილე ანსამბლის კიდევ ერთი წევრი გიორგი გობეჯიშვილი რაჭიდანაა და, რა თქმა უნდა, რაჭის სოფლებში უფრო რთული სურათია, ვიდრე კახეთში. ბევრი ფაქტორი გვაძლევდა იმის საშუალებას, რომ კახეთის სოფლები შედარებით უფრო გადარჩა.

– იდეის განხორციელება როგორ დაიწყო?

– დაახლოებით 5-6 წელი მქონდა ეს იდეა და ზურგით დავატარებდი. კლიპში ნაჩვენებია ერთადერთი სკოლის მოსწავლე, რომელიც თითქოს, ამ სოფელში შემორჩა. ის ჩემი ბიძაშვილის ბავშვია და მიხარია, რომ გადაღებებს ძალიან ადვილად გაართვა თავი. გადაღების დროს ბევრი დუბლი არ დაგვჭირვებია და კამერაში ისე იყურებოდა და მითითებებს ისე ასრულებდა, როგორც გამოცდილი მსახიობი, ამიტომ დიდი მადლობა მინდა ვუთხრა ნიკოლოზ გოგაშვილს. ასევე მადლობა ყველა იმ არბოშიკელს, რომელიც დაგვთანხმდა, ჩვენს სოციალურ აქ-



ციაში ჩართო და ვიდეოკლიპში მონაწილეობს. მუსიკალური კლიპის შინაარსი ერთი ჩვეულებრივი ქართული სოფლის რეალობას ასახავს. სოფლის, რომელიც დაცლის საფრთხის წინაშეა, ერთი დღეა ნაჩვენები. სოფლის ასაკოვანი მაცხოვრებლებს განსაკუთრებული მსახიობური მონაცემები არ დასჭირვებიათ, რადგან ისინი მათთვის ჩვეულ ყოფით პირობებში გადავიდეთ, ზოგი მარანში, ზოგიერთი თონესთან, ზოგი ეზოში, ზოგიც სოფლის ბირჟებზე და სიუჟეტი დრამატურგიულად განვითარეთ. ამ მელოდიას კი რამდენიმე წლის განმავლობაში ვქმნიდით. რა თქმა უნდა, არბოშიკში მხოლოდ 1 ბავშვი არ არის დარჩენილი და საბედნიეროდ ბევრნი არიან, მაგრამ ამ სოფლის მაგალითზე გვინდოდა გვეჩვენებინა ქართული სოფლების რეალობა, სადაც სინამდვილეში ერთი ბავშვი ცხოვრობს, სახლების დიდი ნაწილი კი დაკეტილი და ცარიელია. არც არბოშიკშია კარგი სიტუაცია და ამაში ყველა დამეთანხმება. მე რომ ვიზრდებოდი, უბანში 50-მდე ბავშვი ვიყავით ხოლმე, დღეს საგანგაშო რეალობაა.

არ მინდა ვინმემ პოლიტიკურ განაცხა-

ტით, შემოქმედებითად, ბუნებრივი მდებარეობით, თავისი წყაროებით სოფელი არბოშიკი ყოველთვის გამოჩეული იყო არამარტო დედოფლისწყაროში. ეს სოფელი ცნობილია, ნიჭიერი ადამიანების სიმრავლითაც.

არბოშიკს ჰყავდა თავისი თეატრალური დასი და ამის შესახებ ჩემი მშობლების თაობისგან ბევრჯერ მსმენია. ხშირად იხსენებენ, რომ ეს დასი გასტროლებს აწყობდა სოფელ ველისციხეში, ზემო და ქვემო ქედში და დედოფლისწყაროში. დღეს კი ძალიან ცუდია და ყველა ჩემი კოლეგა დაგვეთანხმება, რომ ძირითადად კონცერტები რაიონულ ცენტრებში ტარდება და სოფლებში შემოქმედებითი ცხოვრება და რაიმე სახის მასშტაბური ღონისძიებები თითქმის არ ტარდება. ვინც სოფელში დაბადებულია, ის მიხვდება

ბია, სამშობლოში არ ყოფილან და უცებ ინტერნეტით ნახეს დაცლილი სოფლების შესახებ მუსიკალური ნომერი.

– თავად რამდენად ხშირად ახერხებ არბოშიკში ჩასვლას?

– არავის ჭკუას არ ვარიგებ, მაგრამ მიმაჩნია, რომ სოფლის გადარჩენაში მე თუ შემოძლია წვლილის შეტანა და ვახერხებ ამას, ყველა ჩვენგანი მოახერხებს. მე კვირაში ორი-სამი დღე არბოშიკში ვარ. მამაჩემი 2 წლის წინ გარდაიცვალა და ვცდილობ, არც ვენახს მოვაკლო ყურადღება



და არც სახლ-კარს, ყველაფერს ვპატრონობ, როგორც შემოძლია. დემაგოგობაში თუ არ ჩამეთვლება, ყოველთვის ვამბობ ხოლმე, რომ თავს არბოშიკელად მივიჩნევ. პარიზიდან, ან სხვა გასტროლიდან რომ ვბრუნდები, მაშინვე მანქანას ვქოქავ და არბოშიკში გამოვრბივარ ხოლმე. ანდაც, კომპანიით ხორბლის მოსავალი რომ ამილია, იმ ღამით ვარშავაში გაფრენილვარ კონცერტზე.

– სოლომონ, კლიპში არის მომენტები, როდესაც არბოშიკის კულტურის სახლის სცენაზე უკრავთ და ამ დროს დარბაზი ცარიელია, ამასაც რაიმე დატვირთვა აქვს?

– რა თქმა უნდა, ესეც სიმბოლურია. სოფლების კულტურის სახლებში მრავალი ათეული წელია კონცერტები აღარ გამართულა. არადა, მნიშვნელოვანია სოფლებში ტარდებოდეს. არბოშიკის კულტურის სახლში კიდევ ყოფილა რამდენიმე კონცერტები. ჩვენც ჩავსულვართ, გვთხოვეს და ანსამბლი „ჩვენებურები“ ჩავიყვანეთ. ბოლოს 2011 წელს ჩავატარეთ კონცერტი. ერთხელ ფიროსმანობაზეც ვიყავით მინვეული.

რამაც გეგმები გვაქვს სოფლების გამოცოცხლებასთან დაკავშირებით. მაგალითად, ქართული საბრძოლო ხელოვნების ბიჭებთან „შაფაროსნებთან“ ერთად ვგეგმავთ ეროვნული პროექტის განხორციელებას. წინასწარ დეტალებს ვერ ვიტყვი, მაგრამ საკმაოდ მასშტაბური იქნება და სოფლებში ძირეულად შეცვლის ყველაფერს. ჯერ ეროვნული შემსრულებლები იქნებიან და შემდეგ ალბათ უცხოეთიდან ჩამოსული ჯგუფებიც.

– ანსამბლის შექმნის დღიდან „ჩვენებურები“ წევრი ხარ, პირველი ნაბიჯები მინდა გაიხსენო და, საერთოდ, როგორ დაინტერესდი მუსიკით?

– 2001 წელს „ერიისონის“ ყოფილმა სოლისტმა, კარგმა მომღერალმა ნუგზარ კურცხალიამ ჩამოაყალიბა ანსამბლი „ჩვენებურები“ და მიმიყვანა. რაც შეეხება კითხვას, რამ მოახდინა ჩემზე გავლენა, ბავშვობაში მახსოვს, რომ არბოშიკის ანსამბლში ბევრი პატივსაცემი ადამიანი მღეროდა. ჯემალ კირვალიძე, თემო გოგაშვილი, ვაჟა უთრუთაშვილი, გელა ფაციაშვილი, გელა გოგაშვილი... დედაჩემიც და მათი მუღულები და შვილებიც მღეროდნენ. უბანში სუფრა რომ გაიმღებოდა, წარმოიდგინეთ, კარგი გამართული ანსამბლი გვექონდა ხოლმე და ყველა მღეროდა. იმ წლებში დიდი გავლენა მოახდინა ჩემზე. აბსოლუტური სმენა მქონდა და მიმიყვანეს მუსიკაზე. მერე შემრცხვა, რომ მხოლოდ გოგონები დადიოდნენ და ვეღარ გავაგრძელებდი. დღეს ყველაზე დიდი სანანებელი მაქვს ეს. სტუდენტობისას უკვე ამ ჯგუფთან მოვხვდი და მას შემდეგ ერთად მოვიდევართ. ზოგადად, სოფლების გამოცოცხლებისთვის, ბევრი კარგი იდეა გვაქვს და, ვნახოთ, რამდენად შევძლებთ განხორციელებას.



დად ჩამითვალოს, ეს არის სოციალური აქცია და ჩვენი ტკივილის გამოხატვა, ქართული სოფლების დაცლასთან დაკავშირებით. მინდა ხაზგასმით ვთქვა, რომ არანაირ საჯარო სამსახურში ხელიც არანაირდეს მომიწერია და არცერთ პოლიტიკურ ჯგუფს არ წარმოვადგენ. უბრალოდ, ეს შემოქმედი ადამიანების პოზიციაა.

ჭკვიანი ადამიანები თუ დაფიქრდებიან, მიხვდებიან, რომ სოფელი მხოლოდ აგრარული ნაწილი არ არის და მხოლოდ ამ ქრილში არ უნდა განიხილებოდეს. ნიჭის სხივები რეგიონებშიც ანათებს. ბოდიშს მოვუხდით თბილისელებს, ბევრი კოლორიტი დაბადებულია დედაქალაქში, მაგრამ დამეთანხმებით, ასევე ბევრი მარგალიტია დაბადებული თუნდაც მხოლოდ დედოფლისწყაროში. თავისი იუმორით, ჩვეული ხუმრობებით, დამახასიათებელი კოლორი-

რამხელა სხვაობაა სოფელსა და რაიონულ ცენტრს შორის. მე ვფიქრობ, აუცილებელია სოფელი კულტურული თვალსაზრისით დაიცვიროს. ჩემი ძირითადი მონიშვნა ესაა და სადაც ნავსულვარ, ამას ყველაფერ ვაფიქსირებ. შეიძლება დამნაშავე მეც ვარ, რომ ბევრს ვერ ვაკეთებ, მაგრამ ვცდილობ.

– კლიპის შექმნაში კიდევ ვინ მონაწილეობდა?

– ილია ჭავჭავაძის ტექსტია გამოყენებული და მინდა ვთქვა, რომ მუსიკა, კადრები და ტექსტი თანხვედრაში მოვიდა ერთმანეთთან და საოცრად შეერწყა. არანაირი ეკუთვნით გიორგი გობეჯიშვილსა და ლევან მიქელაძეს, ჩვენი ანსამბლის წევრებს. მონტაჟის რეჟისორია ცნობილი რეჟისორის ავთო ვარსიამაშვილის შვილი, გიორგი ვარსიამაშვილი, ოპერატორი გიგი გილიგაშვილი. ყველა მათგანს გულწრფელად ვუხდის მადლობას, რადგან, ყველამ გულთან მიიტანა ჩვენი ჩანაფიქრი, ყველამ გაითავისა და ვფიქრობ, რომ საინტერესო გამოვიდა. პრეზენტაციის და სატელევიზიო პრეზენტაციების შემდეგ კლიპს კარგი გამოხმაურებები ჰქონდა. განსაკუთრებით ემოციური გამოხმაურებები აქვს ემიგრანტების მხრიდან, რომლებიც ათეულობით წლე-



ინფრასტრუქტურული პროექტების განხორციელება განახლდა

დედოფლისწყაროში ინფრასტრუქტურული სამუშაოები განახლდა. მუნიციპალიტეტის გამგებელი ნიკოლოზ ჯანიაშვილი გამგებლის მოადგილესთან სოლომონ ღორაშვილთან და ქონების მართვის, ეკონომიკური განვითარების, სტატისტიკის, ინფრასტრუქტურის, სივრცითი მონაცემების, არქიტექტურისა და მშენებლობის სამსახურის უფროსთან დავით ფხოველიშვილთან ერთად ქალაქის ტერიტორიაზე მიმდინარე ინფრასტრუქტურული პროექტების მიმდინარეობის პროექტს ადგილზე გაეცნო. მან თავდაპირველად №3 საბავშვო ბაღის მიმდებარე ტერიტორიას მონახულა, სადაც მინი-სტადიონისა და საბავშვო ატრაქციონების მონყობა მიმდინარეობს. სამშენებლო სამუშაოებს ინდემნარმე „ჯიქურაშვილი“ აწარმოებს და ადგილობრივი მოსახლეობა დასაქმებული. პროექტი საქართველოს რეგიონებში განსახორციელებელი პროექტების ფონდიდან ფინანსდება, რომლის ღირებულებაც 62 500 ლარს შეადგენს.

ახალი საავადმყოფოს მშენებლობასთან დაკავშირებით, ხორციელდება მასთან მისასვლელი გზის კეთილმოწყობაც. ანტონ ნატროშვილისა და სკოლის ქუჩებზე ასფალტის საფარის დაგების სამუშაოები დაიწყო. ორივე ქუჩა რეგიონებში განსახორციელებელი პროექტების ფონდიდან ფინანსდება - ნატროშვილის ქუჩა 224 600 ლარი, ხოლო სკოლის ქუჩის მოასფალტება 176 700 ლარი დაჯდება.

„გაზაფხული დადგა და თითქმის მთელი დედოფლისწყაროს მუნიციპალიტეტის მამულებით ინფრასტრუქტურული სამუშაოები აქტიურ ფაზაში შევა. დღესდღეობით ორი ობიექტის მშენებლობა დაწყებულია. ერთი არის №3 საბავშვო ბაღის მიმდებარე ტერიტორიაზე მინი სპორტული მოედნის და ბავშვთა გასართობი ატრაქციონების მონყობა. აღნიშნული ტერიტორია საკმაოდ დიდია, მჭიდროდ დასახლებული, ბევრი ახალგაზრდა ცხოვრობს. წინასწარჩვენო პერიოდში, როდესაც მოსახლეობას ვხდებოდით, მათი მოთხოვნა იყო, ბავშვთა ატრაქციონების დამონ-

ტაჟება და ჩვენ ეს მოთხოვნა შევასრულეთ. მეტსაც გეტყვით, დამატებით სპორტული მოედნის გაკეთებაც დაგვეგმეთ აქ მცხოვრები ახალგაზრდებისთვის, რომელიც ხელოვნურსაფარიანი და კომპლექსური იქნება, რაც იმას გულისხმობს, რომ ახალგაზრდები ითამაშებენ ფეხბურთსაც, ფრენბურთსაც და კალათბურთსაც.

ახალი საავადმყოფოს მშენებლობა, ფაქტიურად, დასრულებულია და მიმდინარეობს მიმდებარე ტერიტორიის კეთილმოწყობა, რომელიც მუნიციპალიტეტმა თავის თავზე აიღო. საავადმყოფოსთან მისასვლელი სამივე გზა მოასფალტდება, ტროტუარები გაკეთდება და გარე განათებები მოეწყობა. ახალი საავადმყოფოს გახსნის პერიოდში, ჩვენს მოსახლეობას საშუალება ექნება კონფორტულად მივიდეს საავადმყოფოში და მიი-



ლოს ის სამედიცინო მომსახურება, რომელიც ამდენი წლის მანძილზე ჩვენთვის დაზურული იყო და, სამწუხაროდ, გვინედა სხვადასხვა ქალაქში წასვლა“ - განაცხადა დედოფლისწყაროს მუნიციპალიტეტის გამგებელმა ნიკოლოზ ჯანიაშვილმა.



მცირე ბიზნესი = დამოუკიდებელ შემოსავალს



გზა მათემატიკური ლოგიკიდან სილამაზის სრულყოფაზე ზრუნვისკენ თანამედროვე მეთოდოლოგიაზე გადის. დეებმა, რომელთაც მათემატიკური განათლება მიიღეს, დასაქმების პრობლემის წინაშე აღმოჩნდნენ. თანამედროვე სტანდარტებით აღჭურვილი სილამაზის სალონის დაარ-

სების იდეა დიდი ხანია, ჰქონდათ, მაგრამ თანხების უქონლობის გამო ვერ ახერხებდნენ. საქართველოს მთავრობის მიერ გამოცხადებულმა პროექტმა „ანარმომე“ საქართველოში“ მათი იდეა რეალობად აქცია. „სილამაზის სალონი ახალი შექმნილი გვექონდა, გვინდოდა მისი გაფართოება და თანამედროვე აპარატურით აღჭურვა, მაგრამ მათი შესაძენი თანხა არ გვექონდა. მოგესვენებათ, ლაზერული აპარატურა ძალიან ძვირი ღირს. ამიტომ გადავწყვიტეთ, როდესაც ამ პროექტის შესახებ შევიტყეთ. გადავწყვიტეთ, დაგვეწერა პროექტი და ბედი გვეცადა. როგორც ხედავთ, მოენონათ ჩვენი იდეა და დაგვაფინანსეს. შევიძინეთ ლაზერული აპარატურა, გავიარეთ შესაბამისი სწავლებაც და დავეიწყეთ მუშაობა“- ამბობს ლალი ანდრიაშვილი. ისინი უკვე ორი თვეა, იღებენ მათი მომსახურების მსურველებს. ინფორმაციის გავრცელების

შემთხვევაში კი მეტ ადამიანს ელოდებიან.

„ლაზერული ეპილატაცია, ნაოჭების გასწორება ინფრანითელი სხივებით, სახის განმეორდა და მასაჟი, ნარბების კორექცია და პროფესიონალური მაკიაჟი, ასევე სტილისტის მომსახურება წარმოადგენს

ჩვენი სალონის ძირითად ხაზს“- აცხადებს ჩვენთან საუბარში ლალი ანდრიაშვილი.

ის მადლობას უხდის პროექტს „ანარმომე საქართველოში“ და მათ კოორდინატორებს და დასძენს, რომ მათი მაგალითის წყალობით ბევრმა ირწმუნა, რომ „ჩანყობის გა-

რემე“ საქართველოში შესაძლებელია მიიღო დაფინანსება და შენი მცირე ბიზნესი დაიწყო. ეს კი ბევრი ოჯახისთვის საკუთარი საქმის დაწყებას და შემოსავლის მიღებას ნიშნავს.

ინგა შიოლაშვილი



ფემინიზმი – პროგრესი თუ ანომალია?



ფემინიზმი- საზოგადოებრივი და პოლიტიკური მოძრაობა, რომლის მიზანია ქალთა უფლებების აღიარება, მათი გათანაბრება მამაკაცებთან ცხოვრების ყველა სფეროში. ტერმინი დასავლეთში ფართოდ გავრცელდა XVIII საუკუნის 80-იან წლებში, თუმცა მისი, როგორც მასობრივი მოძრაობის, ჩამოყალიბება XIX საუკუნეში დაიწყო. არსებობს ფემინიზმის რამდენიმე მიმართულება. თავდაპირველი მიმართულების მიზანია მიზანი ქალისთვის სამოქალაქო უფლებების (არჩევნებში მონაწილეობა) მოპოვება იყო, თუმცა, დროთა განმავლობაში ფემინისტური იდეოლოგიის არაერთი გაფართოვება.

პოლო დროს საპარტიო ფემინიზმი პოპულარულია და მას ბევრი მიმდევარიც ჰყავს. ნაწილობრივ მის ვითარებაში ქალთა მოძრაობის ძირითად ღირებულებას. ის, რომ ქალი და მამაკაცი ადამიანური თვისებების მქონე თანაბრად მნიშვნელოვანია, ჩამოყალიბდა დიდი ხანია წინაშე.

მიუხედავად იმისა, რომ საზოგადოების ერთი ნაწილი მთლიანად იზიარებს ფემინისტური იდეოლოგიის პრინციპებს, მეორე ნაწილისთვის ისინი უხელოვანი და უფრო მეტიც- მიუღებელია. ფემინიზმის კრიტიკის ავტორები სვამენ რამდენიმე კითხვას:

1. აქვს თუ არა გენდერულ თანასწორობას რაიმე ზღვარი, ზედა ნიშნული, სადაც შეუძლებელია, ორი სრულიად განსხვავებული სქესი ერთმანეთს თვისობრივად (და არა ფუნქციურად) გაუთანაბრდეს?
2. ხომ არ ამახინჯებს სინამდვილეში ქალის იდეალს, მის შინაგან სამყაროს, მის განუმეორებელ პიროვნულ თვისებებს ფემინიზმის თანამედროვე პრინციპები?
3. იქნებ ფემინიზმის სახით საქმე არა დემოკრატიულ პროგრესთან, არამედ ჩვენი საუკუნის ანომალიასთან გვაქვს?
4. საინტერესოა, რატომ დაისვა ასე მწვავედ ქალთა უფლებების შელახვის საკითხი? რა ხდება ამ მხრივ საქართველოში? არსებობს პრობლემის რეალური საფუძველი, თუ სხვათა მსგავსად, ეს თემაც ხელოვნურადაა თავსმოხვეული?

აიძულებს ცოლს, გაიკეთოს აბორტი მხოლოდ იმიტომ, რომ ბავშვი გოგოა და არა ბიჭი, სადაც ქალთა მკვლელობის ფაქტების შემთხვევითი სტატისტიკაა, მაგრამ, საბედნიეროდ, „ურჩი“ ქალების ბრძოლას თავისუფლებისათვის ვერაფერი შეაჩერებს!

სიმართლე გითხრათ, ეჭვის თვალით ვუყურებ აღწერილ რეალობას. არა მგონია, რომ ყველა შემთხვევაში არსებული არგუმენტი სიმართლეს შეესაბამებოდეს, ამიტომ შევეცდები თითოეულ მათგანს სათანადო პასუხი მოვუძებნო. მოდი, მივყვეთ თანმიმდევრულად.

1. როგორც ვხედავთ, ფემინისტებმა მთავარი იერიში ეკლესიაზე მიიტანეს. ვფიქრობ, ეკლესიის დადანიშნულება მსუბუქად რომ ვთქვათ, მცდარია. ამას ერთი მართი მიზეზი აქვს: ეკლესია სულაც არ ასწავლის ქალებს მონურ მორჩილებას და არც კაცებს უზუნუნება, მეუღლეებზე იბატონონ. პავლე მოციქული წერს: „ქმართა გიყვარდეთ ცოლნი თვისნი, ვითარცა ქრისტემან შეიყვარა ეკლესია და თავი თვისი მისცა მისთვის“. რას ნიშნავს ეს? ქრისტემ არა უბრალოდ შეიყვარა ეკლესია, არამედ სისხლი დაღვარა და ჯვარს ეცვა მისთვის. მოციქული ქმრებს ცოლების თავგანწირული სიყვარულისკენ მოუწოდებს და ავრძელებს: „ქმრებო, გიყვარდეთ ცოლნი თქვენნი და ნუ იქნებით მკაცრნი მათ მიმართ.“ ალბათ სასაცილოა იმის მტკიცება, რომ ეკლესია, რომელიც მართლმადიდებელ კაცს ასწავლის, მკაცრიც კი არ იყოს მეუღლის მიმართ (არათუ მოძალადე და მკვლელი), ქალებზე ძალადობის ხელშემწყობი ინსტიტუტია.

2. ფემინისტი ავტორი მიიჩნევს, რომ ქალის უფლება- ჰქონდეს სექსუალური ურთიერთობა ქორწინებამდე- საქართველოში შელახულია. ის, რომ ჩვენს ქვეყანაში ამ საკითხისადმი ტრადიციული შეხედულება დომინირებს, სულაც არაა გასაკვირი. მოსწონს თუ არ მოსწონს ეს ლიბერალურ საზოგადოებას, ჩვენ მართლმადიდებელი ვართ და ასეთად დავრჩებით.

3. „ქალის ადგილი სამზარეულოშია!“- მსგავსი ცხოვრებისეული კრედიო, ვფიქრობ, მხოლოდ უინტელექტო, ყოველგვარ თვალსაწიერს მოკლებულ, არასრულფასოვნების კომპლექსით და- ავადებულ და უპრინციპო ადამიანებს აქვთ. მეეჭვება, რომ რომელიმე ისტორიულ ეპოქაში ასეთი მამაკაცები სჭარბობდნენ ჭეშმარიტი ღირებულებების მქონე ქართველ კაცებს. მიუხედავად იმისა, რომ არ უარვყოფ ასეთი ადამიანების არსებობას, დაუშვებლად მიმაჩნია ამ ტენდენციის განზოგადება და მთელი ქართული საზოგადოების პორტრეტად მიჩნევა.

4. აბორტის თემა ჩემთვის ერთ-ერთი ყველაზე მტკივნეულია. მინდა შეჩვივით აბორტების მგობელ ფემინისტებს ერთი შეკითხვა დაუფხვა: ნუთუ სელექციური აბორტების რიცხვი აჭარბებს დედების მიერ ნებაყოფლობით მოცილებულ ნაყოფთა რიცხვს? რამდენი ქალი იკეთებს თავისი ნებით აბორტს მსგავსი ფემინისტური ლოზუნგით გამხსნელებული: „მორს შენი ბინძური რელიგიური ხელები ჩემი წმინდა სხეულისგან (!!!)“ აბორტი ქალის უფლებაა?! საზოგადოება, რომელიც სისხლის ბოლო წვეთამდე „იბრძვის“ დემოკრატიული პრინციპების დასაცავად და მოითხოვს ყოველგვარი დისკრიმინაციის აღმოფხვრას, მკვლელობას ქალის უფლებას უწოდებს?! მინდა გკითხოთ, ნუთუ არ ირღვევა იმ ბავშვის უფლება, რომელსაც დაბადებასაც არ აცდიან და სიცოცხლეს ხელოვნურად უსპობენ? ხედავთ, რომ უზარმაზარ ლოგიკურ ცდომილებასთან გვაქვს საქმე? ნუთუ გვინდა, ისეთი საქართველო ავაშენოთ, სადაც ადამიანის მკვლელობა ნორმა იქნება? თუკი ესაა ფემინიზმი, მაშინ მე ის არ მჭირდება.

5. ქალებზე ძალადობენ საქართველოშიც, ისევე, როგორც ნებისმიერ სხვა ქვეყანაში. თუმცა, ავტორს იმაში ვერ დავეთანხმები, რომ ეს პრობლემა ყველაზე მწვავედ სწორედ საქართველოში დგას. მართალია, ეს არ გვანუგუშებს, მაგრამ მოვიშველიოთ მსოფლიოს განვითარებული ქვეყნების სტატისტიკა: 2010 წელს იტალიაში 127 ქალი მოკლეს, კვირაში საშუალოდ ორ ქალს კლავდნენ დიდ ბრიტანეთში (!!!). განვითარების დონე, როგორც ჩანს, ვერ ამცირებს ქალზე ძალადობის ფაქტებს.

6. მე არ ვიცი ვინ არიან ეს ურჩი ქალები. არც ის ვიცი, რისთვის იბრძვიან. მე ვიცი მხოლოდ ის, რომ თავისუფლების იდეალი ქალისთვისაც და მამაკაცისთვისაც ერთია. მე მჯერა, რომ თუ სამყაროში გენდერული თანასწორობის კანონებზე მეტი სიყვარული იქნება, არც ერთი კაცი არ მოკლავს თავის ცოლს, არც ერთ ქალს არ მოუწდება იდგეს კაცზე მაღლა, იყოს მასზე ძლიერი და საკუთარ თავს უხეშ კაცად ყოფნის მძიმე ხვედრი მიუსაჯოს. მე ვერ ვხედავ, რას ამჯობინებს თანამედროვე ქართველი ქალი დედობის ზღაპარს.

დასასრულს კი მინდა ერთი საგულისხმო და საინტერესო მოსაზრება გაგიზიაროთ. „საქართველოს ეროვნული ახალგაზრდული მოძრაობის“ დამფუძნებელი ქეთევან ჯაყელი გენდერული თანასწორობის შესახებ წერს და არასამთავრობო ორგანიზაციებს მიმართავს:

„ნუ მართმევთ ჩემს მთავარ, შეუცვლელ უფლებას, ვიყო ქალი! ქალი, რომელსაც პროფესიულ წარმატებასთან ერთად სურს, იყოს სუსტი სქესის წარმომადგენელი. სისუსტე არ ნიშნავს იმას, რომ ვინმეს ჩემი დაჩაგრვის უფლება მივცემ. ეს ნიშნავს იმას, რომ მამაკაცისგან განსხვავებულ

მოპყრობას და პატივისცემას მოვითხოვ. მე საზოგადოებრივ ცხოვრებაში მაქვს იგივე უფლება, რაც მამაკაცს და ჩემს ამ უფლებას არავინ ზღუდავს, თუმცა, არ მაქვს არანაირი სურვილი, ნებისმიერ საკითხში თანასწორი ვიყო მამაკაცისა, რადგან მე ქალად დავიბადე და მინდა ეს სტატუსი შევიინარჩუნო!

მე მასწავლეს, რომ ცხოვრებაში ქალს აქვს თავისი მოვალეობები და ვალდებულებები და კაცს- თავისი. ჩემი ოჯახის მამაკაცებმა ყოველთვის იცოდნენ, რომ ქალისთვის პატივი უნდა ეცათ. ქართული ტრადიციებით გამზარდეს და ოცი წლის განმავლობაში არც ერთხელ არ მიგრძვინია თავი დაჩაგრულად.

თუ ბავშვებს თქვენი ლიბერალური ღირებულებებით ტვინს არ გამოურეცხავთ და სრული თანასწორობის ჩარჩოებში მოქცევის მაგივრად ასწავლით, რომ ბუნების კანონით ქალი და კაცი ერთმანეთისგან განსხვავდება, ადრეული ასაკიდან უქადაგებთ ურთიერთპატივისცემას, მხოლოდ ამ შემთხვევაში შემცირდება ძალადობის ფაქტები.

მე ქალი ვარ და არ მჭირდება გვერდით თანასწორი მამაკაცი! კაცი ჩემზე ძლიერი უნდა იყოს და ეს მე დისკომფორტს კი არა, დიდ კომფორტს შემეძინის.

მადლობა ღმერთს, ქალს მაინც ვერ მოუკლეს სურვილი ქალად დარჩენისა. არსებობს, რომელიც სწავნიანამდე- გო სქესის აძლევს იმპულსს, მუდმივად ისწრაფოს სრულყოფილებისაკენ და იყოს ღირსეული. ალ პაჩინოსი არ იყოს, „მე მამაკაცი ვიქნები მანამ, სანამ დედამინაზე დადიან ნამდვილი ქალები. ქალები, რომლებიც არ ყარან სიგარეტისა და ლუდის სუნი, ქალები, რომელთაც აქვთ ბუნებრივი ხიბლი, სიკეთე და დედობის ინსტიქტი.“

სოფიო მენთაშაშვილი



აფრიკული შთაბეჭდილებები და „ბერიკონის“ მონატრება



ლია ხორცეული. განსაკუთრებით ცხვრის ხორცი და მისგან დამზადებული კერძები. აქვე საოცარი ტკბილეული, განსაკუთრებული ფაზიოლეები...

-რამდენადა იქ განვითარებული თეატრი, ზოგადად, როგორია კულტურული ცხოვრება. საინტერესოა ისიც, მათი მუზეუმები როგორ გამოიყურება?

- თეატრი საერთოდ არაა აქვე. ვნახე საგამოცემო დარბაზები, მაგრამ არც ერთი საკონცერტო და თეატრის შენობა. აქვე ერთხმად სიმღერები და ცეკვები უმარტივესი ილეთებით. ვიყავით ნაციონალურ მუზეუმში, ვნახეთ გათხრების დროს აღმოჩენილი უძველესი ქალაქების ნაშთები, ბარელიეფებით და საოცარი ნახატებით. ვნახეთ სუდანის უკანასკნელი მმართველის, ხალიფის სასახლე აბდურმანში. ვნახეთ ქალაქი ბახრი, სადაც მდებარეობს უზარმაზარი კათოლიკური ტაძარი.

ფლის- ნევერტიტის საფლავი სწორედ აქ არის.

-აფრიკულ ტრადიციებზე, ნეს-ჩვეულებებზე გვითხარით?

-შარიათი ნიშნავს, რომ ტაბუ აქვს დადებული და სასტიკად არის აკრძალული ყველანაირი ალკოჰოლის მოხმარება, ლუდისაც კი, არსად არ იყიდება.

-რამდენად დაცულია ქალის უფლებები აფრიკულ ქვეყნებში?

-ზოგადად მუსიკის აზრი, რომ მუსულმანურ და, მითუმეტეს, შარიათის ქვეყნებში ქალების დისკრედიტაცია ხდება, რაც არ არის მართალი, პირიქით, ქალებს შეხვედებით ყველა სტრუქტურაში, თვით უმაღლეს ეშელონებშიც კი.



კულტურის სახლის დირექტორი ცარო მარტიაშვილი მეგობრების მიწვევით აფრიკის კონტინენტზე იმყოფებოდა. ვთავაზობთ მის შთაბეჭდილებებს.

-ცარო, რამდენი ხნით და რომელ ქვეყანაში იყავით სამოგზაუროდ?

-სრული ერთი თვის განმავლობაში. 13 თებერვლიდან 12 მარტის ჩათვლით ვიმყოფებოდი აფრიკის კონტინენტზე, კერძოდ სუდანში, ქალაქ ხარტუმში. „სუდან“, არაბული სიტყვაა და ქართულად „შავი ხალხის მიწას“ ნიშნავს. ისტორიულ წყაროებში სამხრეთ ეგვიპტე ხშირად ეგვიპტის სუდანად მოიხსენიება!! უფრო ადრე კი იყო ნუბის სახელმწიფო.. ძირძველი ქრისტიანები.. ხართუმში და მის ახლო- მახლო ქალაქებში ბევრი ქრისტიანული ტაძარია, კათოლიკურიც და კოპტურიც. რამაც ყველაზე ძალიან გამაოცა, ეს ტაძრები და მეჩეთები ძალიან ახლოს არიან ერთმანეთთან, ანუ ტოლერანტობა მარტო ჩვენი, ქართველებისთვის არ ყოფილა.

-თქვენ იქ უამრავი ადგილი მოინახულეთ, რა ტრადიციების მატარებელი ხალხია, საინტერესოა თქვენი შეხედულება...

-დედამინა ძალიან პატარაა.. ჩვენ ადამიანები ყველანი ერთნაირები ვართ.. უბრალოდ სხვადასხვა ენაზე ვლაპარაკობთ და სხვადასხვა სარწმუნოება გვაქვს.. დედამინას გაფრთხილება სჭირდება... ჩვენ კი სიყვარული უნდა ვისწავლოთ და მჯერა, რომ ყველაფერი კარგად იქნება.

-აფრიკული კერძების შესახებ რას იტყვით, რამდენად გემრიელია კერძები აქეთ?!

-აფრიკული ტომები, ანუ ძირძველი ნუბიელები, ძალიან ცოტა არიან დარჩენილი, შესაბამისად არსად ჩანდა მათი სამზარეულო. ძირითადად, ამ ქვეყანაში შეხვედებით ეგვიპტურ და არაბულ სამზარეულოს. აქტუალურია თევზული და ზღვის პროდუქტები, იგივე რვაფეხა არც თუ ისე სასიამოვნო შესახედავია, მაგრამ უგემრიელესია, თან ლალი განსაკუთრებულად ამზადებს, ქართული შტრისებით. არაბული სამზარეულოს განუყოფელი ნაწი-

ში, ვნახეთ გათხრების დროს აღმოჩენილი უძველესი ქალაქების ნაშთები, ბარელიეფებით და საოცარი ნახატებით. ვნახეთ სუდანის უკანასკნელი მმართველის, ხალიფის სასახლე აბდურმანში. ვნახეთ ქალაქი ბახრი, სადაც მდებარეობს უზარმაზარი კათოლიკური ტაძარი.

-რამდენადაც ვიცით, თქვენ იქ ნავით გაისივრეთ მდინარე ნილოსზე, რამაც მამლუქები გაგახსენათ.

-სასიამოვნო და ძალიან ამაღლებელი იყო ნილოსზე გასივრება მამლუქების თემიდან გამომდინარე, ვნახე თეთრი და ლურჯი ნილოსის შერეობის ადგილი, ეს ერთი თვე იყო მოულოდნელობებით და შთაბეჭდილებებით სავსე...

-ფოტოებიდან ჩანს, თქვენ იქ ორანჟერიაში დადიოდით, სად იყო აფრიკაში ასეთი ყვავილნარი, რა დონეზე განვითარებული იქ სოფლის მეურნეობა, მე ვიცი, რომ ასეთ გაუდაბნოებულ ადგილებში, რწყვის სისტემის დახმარებით მაინც მოჰყავთ მოსავალი, ამ ყველაფერზე იქნებ მეტი გვითხროთ?

-კი, ეს ულამაზესი ორანჟერია იყო, ქალაქ ბახრიშია გადაღებული, სადაც ვიყავით სტუმრად არაბულ-უკრაინულ ოჯახში. ყვავილები გახარებული იყო ქოთნებში, აქ კურიოზიც შემემთხვა.. როცა გაკვირვებულმა ვიკითხე, ზამთარში ამდენი ყვავილი სად მიაქვთ-მეთქი?

-როგორია თქვენი თვალთვლიანი ქართული ოჯახის აფრიკული ცხოვრება, როგორ არიან ისინი შეწყობილი ამ ყოველივეს და იქაური ხალხი როგორი განწყობითაა ქართველების მიმართ?

-მთლიანობაში არის საოცარი ქვეყანა, ძალიან თბილი ხალხით, მდიდარი კულტურით... ნუბიური პირამიდები ძალიან დიდ საიდუმლოს ინახავს... სამწუხაროდ, გამოუკვლეველი და აუთვისებელია. შარიათის ქვეყანაა და, ამდენად, ტურიზმი აქ განვითარებული არ არის. ისე, უძველესი ნუბის და დღევანდელი სუდანის ტერიტორია იმითაც არის საინტერესო, რომ არქეოლოგიების აზრით, ეგვიპტის განუყოფელი დედო-

-მინდა შედარება გააკეთოთ, აფრიკული და ქართველი ხალხის ხასიათის შორის.

-ყველაზე ძალიან რამაც გამაოცა, ეს იყო ლიმილი.. ვიკითხე კიდევ: დავიჯერო, ყველას ისეთი დაღვინებული ცხოვრება აქვს, გამუდმებით რომ იციან-მეთქი? ამაზე მიპასუხეს: დღევანდელი დღით არიან ბედნიერები, ხვალისთვის არ ფიქრობენ, თვლიან, ეს ღმერთს(ალაჰს) ეკუთვნისო!!! ეს ლიმილი და ადამიანებს შორის კეთილგანწყობა შემშურდა თეთრი შურით, ჩვენ ხომ ლიმილი დიდი ხანია დავკარგეთ!!!

-რას ნიშნავს მეგობარი ზოგადად და როგორია თქვენი და ლალის მეგობრობა, რომელმა ურთიერთობამაც თქვენ აფრიკაში მასთან ერთად ერთი თვე გაგატარებინათ?!

- ხშირად მითქვამს და კიდევ ვიტყვი, რომ მე იმ ბედნიერ გამონაკლისს ვეკუთვნი, ვისთვისაც მეგობარს არასოდეს არ უღალატია დანებებული საბავშვო ბილიდან დღემდე! და ეს მარტო ჩემი დამსახურება არ არის, მე ღმერთმა დედამინის ზურგზე საუკეთესო მეგობრებით დამაჯილდოვა! არა აქვს მნიშვნელობა, ისინი ჩემს გვერდით იქნებიან, სხვა კონტინენტზე თუ ოკეანის გაღმა, მე ისინი მყავს და ბედნიერი ვარ! რაც შეეხება ჩემი და ლალის ურთიერთობას.. ეს ძალიან დიდი ხნის წინ დაიწყო.. 1982 წლიდან ჯერ ლია(ლია ზუციშვილი დედოფლისწყაროს მხარეთმცოდნეობის მუზეუმის ყოფილი დირექტორი) იყო ჩემი მეგობარი, მესაიდუმლე, მერე ლიას შვილები- ლალი და ეკა. ესაა უღალატო და ენით აუწერელი თბილი და ტკბილი ურთიერთობა. დღეს კი, ლალის და ეკას შვილები არიან ჩემს გარშემო.. ეს არის თაობებს შორის



ურთიერთობა, ეს მეგობრობაზე მეტია... უფრო ღრმა და უფრო სხვა...

-როგორია ლალის და ბატონი დავითის დამოკიდებულება აფრიკულ ხალხთან?

-ლალის და დათოს გენიალურ ოჯახს აქვს შესანიშნავი დამოკიდებულება ადგილობრივ მცხოვრებლებთან და ეს არ არის გამოწვეული არც მათი მაღალი სოციალური სტატუსით და არც კანის ფერით. მათ მთელი გულით შეიყვარეს აფრიკა და აფრიკელები. ვხუმრობდი კიდევ, აფრიკით გონის დაკარგვამდე მოხიბლული სულ ორი ადამიანი ვიცი- ჰემინგუეი და დათო გვენეტაძე! როცა მე ვნახე ის მონინება და პატივისცემა, რასაც უზარმაზარი ავიაკომპანიის თანამშრომლები დათოს მიმართ იჩენენ, როცა ვნახე ლალის მიერ შექმნილი საოცარი პორტრეტები, პეიზაჟები სერიოზული გამოფენისთვის „ჩემი თვალთვლიანი აფრიკა“, კიდევ ერთხელ დავრწმუნდი, რომ მართლაც დასანანი... „ვერ გაგიფრთხილდით, ვერ მოგიარეთ, ვერ გიპატრონეთ, მთელ სამყაროში გაფანტული, ქართული ნიჭი!!!“

და ბოლოს, სიტყვები არ მყოფნის, როგორ უნდა გადავუსხადო მადლობა ჩემს მეგობრებს იმ ულამაზესი ერთი თვისთვის, რაც მე აფრიკის კონტინენტზე გავატარე?! ხშირად ვეკითხები ჩემს თავს, ნეტავი რითი დავიმსახურე? პასუხი არ მაქვს...

-რა იყო ის ძალა, რამაც აქეთ, საქართველოსკენ გამოგზიანა?

-მომენტარენ მეგობრები, მაგრამ უზომოდ და უსაზღვროდ მომენტარენ ჩემი ბერიკონელები, ხშირად მესიზმრებოდნენ!!

-გიფიქრიათ სამშობლოსკენ მოშორებით ქვეყანაში ცხოვრებაზე?

-მიფიქრია და ჩემი თავისთვის დამისვამს კითხვა: თუ გავძლებ და თუ ვიცხოვრებ უცხო ქვეყანაში? სამწუხაროდ კი, მე ხომ გმირი არა ვარ, ჩვეულებრივი ადამიანი ვარ!

-მადლობა საინტერესო ინტერვიუსთვის, გულწრფელობისთვის და იმისთვის, რომ საშუალება მოგვცით, ყველაზე ცხელი კონტინენტიდან მოგვროდებინათ ჩვენთვის საინტერესო ამბები.

სპექტაკლი „რაც გინახავს, ვეღარ ნახავ“ დედოფლისწყაროს სცენაზე

23 მარტს დედოფლისწყაროს კულტურის სახლის სცენაზე საბავშვო სპექტაკლი „რაც გინახავს, ვეღარ ნახავ“ დაიდგა, რომელსაც მოზარდი მაცურებელი და მათი მშობლები დაესწრნენ. მსურველთა მხრიდან სპექტაკლზე დასწრების მოთხოვნა იმდენად მაღალი იყო, რომ მიუხედავად სამი სეანსის

ნისძიებამ მოზარდი მაცურებლის დიდი ინტერესი და ემოცია გამოიწვია.

ყველა ზღაპრის ბოლო ხომ კეთილია და ამ მშვენიერი ქართული მულტფილმის შემდეგ კი კინოფილმის ამბავი, სცენაზეც ლამაზად დასრულდა. აღმოჩნდა, რომ წუნას და წრუნუნას თემა იმდენად აქტუალურია დღესაც,

საც ჰქვია „ივერიონი“, ჩვენი ხელმძღვანელი გახლავთ ქალბატონი მაია პიტეურაშვილი. დავდივართ საქართველოს სხვადასხვა რეგიონში და ვმართავთ სპექტაკლებს, რითაც ყველაზე მეტად ვახარებთ ბავშვებს. წინა წელს 60 000-მა ბავშვმა ნახა ჩვენი სპექტაკლები, ყველას უხარია, სადაც ჩავდივართ და ვთამაშობთ.

დღეს სამჯერ გავიმეორეთ „რაც გინახავს, ვეღარ ნახავ“, ბავშვები გამოვიდნენ სოფლებიდანაც, შემდეგი სპექტაკლი მოზარდული მაცურებლებისთვისაა. ვდგამთ „კაცია-ადამიანს“. კახეთის რეგიონში ბევრჯერ ვართ ნამყოფი, დედოფლისწყაროში პირველად ვართ, ვფიქრობ, დედოფლისწყაროელი ბავშვები და დედები უკმაყოფილონი არ დარჩებოდნენ, ძალიან მოგვეწონა აუდიტორია, დარბაზი სამივე სეანზე თითქმის გადაიჭყდა, კმაყოფილები ვართ ჩვენც.“-აღნიშნა სპექტაკლის ერთ-ერთმა მონაწილე მსახიობმა დავით თოლორაიამ.

ლალი მხერცილი



მიჯრით დადგმისა, დარბაზი მაცურებელს ვერ იტევდა. ისე, რომ მოზღვავებულ მაცურებელს ადგილები არ ეყო. კულტურის სახლის მუშაკებმა კარგი ორგანიზება და ყველა ბავშვის დასწრება უზრუნველყვეს. ღო-

რომ მისმა ფაბულამ სცენაზეც ძალიან კარგად გაამართლა. ამბავი აქაც ბატონის დამარცხებით და წუნასა და წრუნუნას ქორნილით დასრულდა.

„ჩვენ ვართ თეატრალური დასი თბილისიდან, რომელ-



„ხელოვნებაა თვით უკვდავება“...

ყველა ქართველში ხომ არის პატარა ნაპერსკაპი ხელოვნების სიყვარულის, მისი ლამაზად აღქმის და თვით შესრულების ნიჭიც. ჩვენ კი ვაბრძვებით პატარა პატარა ნაპერსკაპებს, რათა არ დაიკარგოს, არ გადავიწივინოთ საქართველოს ყველა კუთხეში გაბნეული ხელოვნების ნიმუშები, გარდა ამისა, ვახალისებთ და ერთმანეთს ვაღარაბთ ერთმანეთს უმცირესობების ნაშუაშევრებსაც. ყველა პარბად იცის, რომ „მხოლოდ ოსტატს ვერ აწვავს სიკვდილი,“ ამიტომ ყველა ნიჭიერი ადამიანი უკვდავია.

მოგიტხრობთ პირველი გამოფენის მონაწილეების ცხოვრებას და მათი ხელოვნებით დაინტერესების საფუძველს.

ნინო ბურდული სწავლობდა სოფელ ხორნაბუჯის რუსულ-ქართულ საჯარო სკოლაში. ბავშვობიდანვე გატაცებული იყო ლამაზი ნივთების შექმნით. იცის ქართული, რუსული, სომხური ენები. სწავლობდა თოიძის სახელობის სასწავლებელში. ამჟამად მუშაობს: თეატრზე, ტილოზე, ბისერებზე და ქმნის ფერად ყვავილებს, ყელსაბამებს, სუფრებს. ჰყავს ორი მცირეწლოვანი ბავშვი და როდესაც მათ აძინებს, მამინიწყებს მუშაობას, ბევრჯერ მას თეთრად დასთმენებენ კიდევ.

მეორე მონაწილე გახლავთ პატარა ტანის, თოჯინასავით ლამაზი გოგონა-ლილი ლომავილი. ვერც კი წარმოიდგენს ადამიანი, თუ მას ასეთი ნივთების კეთება შეუძლია, რა არ გამოსდის მას პატარა

ხელებს: თოჯინები, სამკაულები, ყვავილები, დაქარგული ნახატები, სათამაშოები. მან დაამთავრა სამხატვრო სკოლა, სამედიცინო კოსმეტოლოგია, მაგრამ მისი გატაცება ყოველთვის იყო ხელნაკეთი ნივთების შექმნა. მის ხელში უკვე გამოუსადეგარი საოჯახო ნივთებიც კი ახალ სიცოცხლეს იძენენ. იგი ცხოვრობს სოფელ ხორნაბუჯის ტერიტორიაზე, მაგრამ მისი ფესვები საინგილოშია და იქიდან მოჰყვება საქართველოს სიყვარულიც, აქ დაბრუნების სურვილიც. მისი პატარა დაც დამწყები ხელოვანი და მის ნამუშევრებსაც გამოფენით მუზეუმში მეორე გამოფენაზე.

მესამე მონაწილე გახლავთ შორენა ალუღიშვილი, ამჟამად ხატვის მასწავლებელი, ამავე დროს თვითონაც ულამაზესი ნახატების ავტორი, ქარგვითაც შესანიშნავად ქარგავს ტილოზე, ქსოვს ყაისნალით. იგი 1995-2001 წლებში სწავლობდა თბილისის სამხატვრო აკადემიაში: „ტანსაცმლის მხატვრული დიზაინის ფაკულტეტზე“, იგი ცხოვრობს სოფელ ხორნაბუჯში და ჰყავს ორი შვილი.

მეოთხე მონაწილე გახლავთ სოფელ ხორნაბუჯში მცხოვრები, წარმოშობით პოლონელი ვალენტინა ვალუისკაია, იგი შესანიშნავად ქსოვს, როგორც ყაისნალით, ისე ჩხირებით. მისი ფერები ლამაზად არის შესამეხული. ნაქსოვები ისეთი სიმეტრიულობა და პარბად ბადასპლაა ფერებში, რომ წუნს ვერ უპოვი. მეხუთე მონაწილე მეათე

კლასის მოსწავლე ნინო კვანჭიანი, წარმოშობით სვანეთიდანაა. მას სვანეთიდან ხელოვნების სიყვარული და ნიჭი გამოჰყოლია. თვითნასწავლია და ნამუშევრებსაც ფანტაზიით ქმნის. ოცნებობს პერსონალური გამოფენისთვის ნამუშევრების შეგროვებაზე. ცხოვრობს სოფელ ხორნაბუჯში და მისი პირველი ნაბიჯები და პირველი ნამუშევრების გამოფენაც ჩვენს მუზეუმში გადამწყობა. თავისუფალ დროს მუშაობს თეატრზე, ბისერებზე, ქმნის ნამუშევრებს და საკუთარ ფანტაზიას ატოვებს ნახატებში.

სოფელ ხორნაბუჯის ხალხთა მემკობრობის მუზეუმის დირექტორი ქეთევან მჭედლიშვილი

„გამაფხულდა, აყვავილდა ნუში...“

გაზაფხულის მოსვლასა და ქალთა დღესასწაულებს მიეძღვნა ულამაზესი საღამო, რომელიც გაიმართა მიმდინარე წლის 25 მარტს, ქ.დედოფლისწყაროს კულტურის სახლში, დედოფლისწყაროს მუნიციპალიტეტის კულტურის ნიჭიანობითა და ორგანიზებით.

მონაწილეები მასპინძლებმა ნათელ ხალიჩაზე გაატარეს და დარბაზის შესასვლელთან, ბავშვთა ხელოვნების სტუდია „არლეკინოს“ მსახიობებმა, ქალბატონებს გადასცეს ყვავილები და მისალოცი ბარათები.

საღამოს ძირითადი მასპინძელი იყო ქ.დედოფლისწყაროს კულტურის სახლთან არსებული ვოკალური კვარტეტი გიორგი ცერცვაძის ხელმძღვანელობით, რომლებიც მაცურებლის წინაშე წარსდგნენ

ქალაქური სიმღერებით. ლონისძიებამი მონაწი-

ანსამბლი „შირაქი“ (ხელმძღვანელი ალექსი გაბრიელაშვი-

სვიჩა ზუბიაშვილი) - „დებილოლაშვილები“ (ხელმძღვანელი ნინო ნიკვაშვილი), მონაწილე ქალბატონებს სიმღერები - „თავადის ქალო“ და „დედა“ - მიუძღვნა ანსამბლ „ხორნაბუჯის“ მომღერალმა ბ.ნ. ვასილ ტუხაშვილმა.

გია ყანჩელის კომპოზიცია ვიოლინოსა და ფორტეპიანოსათვის შეასრულა ქ.ნ. თამილა ნადირაშვილმა და ბახის საერთაშორისო კონკურსის ლაურეატმა მალვინა ისმაილოვამ. ქ.ნ. თამილა ნადირაშვილმა ფორტეპიანოზე შეასრულა აგრეთვე „ტანგო“, კინოფილმიდან „ქალის სურნელი“.



ლეობდნენ აგრეთვე ბავშვთა ქორეოგრაფიული სახალხო

ლი) „ქორეოგრაფიული ანსამბლი „იმედი“ (ხელმძღვანელი

„ტანგო“, კინოფილმიდან „ქალის სურნელი“.

რა არის აუტიზმი და რა სიმპტომების არსებობის შემთხვევაში უნდა მივმართოთ ექიმს

2 აპრილს მსოფლიო აუტიზმის დღეს აღნიშნავს. რა არის აუტიზმი და რა სიმპტომების არსებობის შემთხვევაში უნდა მივმართოთ ექიმს?

- აუტიზმი არის ტვინის ე.წ. აშლილობა, რომელიც აზიანებს ადამიანის უნარ-ჩვევებს და ქცევას, იუროტივით სხვა ადამიანებთან. ის მიეკუთვნება ტვინის დაზიანებათა ჯგუფს, რომელსაც ეწოდება "აუტიზტური აშლილობა". ეს დაზიანებანი შეიძლება იყოს როგორც საშუალო სიმძიმის, ასევე მძიმედ გამოხატული. გამომწვევი მიზეზები დღემდე უცნობია.

როდის ისმება აუტიზმის დიაგნოზი?

- იმისთვის, რომ დაისვას აუტიზმის დიაგნოზი, ბავშვი უნდა იყოს არანაკლებ 3 წლისა, სიმპტომები ერთიანდება სამ ძირითად ჯგუფად:

1. ადამიანებთან ურთიერთობის პრობლემა - აუტიზტი ბავშვები ძნელად ურთიერთობენ სხვა ბავშვებთან. ხშირად ისინი არ რეაგირებენ სახის გამომეტყველებას და მიმიკასზე. თვალს არ ადრევენ თვალთ-თვალში კონტაქტს. არ სიაზიანებენ შეხებას. ასევე არ უყვართ სხვა ბავშვებთან კონტაქტი და თამაში.

2. კომუნიკაციის პრობლემა - აუტიზტი ბავშვები, როგორც წესი, გაცილებით გვიან იწყებენ ლაპარაკს, ზოგიერთი მათგანი კი არასოდეს არ იწყებს მეტყველებას. მათ მშობლებს ხშირად ჰგონიათ, რომ მათი შვილი ყრუა, თუმცა მათგან განსხვავებით, სიყრუის შემთხვევაში ბავშვები სხვადასხვა ხერხით, მაგალითად ხელებით, მიმიკით, ცდილობენ დაამყარონ კონტაქტი სხვა ადამიანებთან. აუტიზტებს ეს არ ახასიათებთ.

3. შეზღუდული ინტერესები - აუტიზტი ბავშვებს აქვთ ერთი რაიმე აკვიატებული ინტერესი. შედარებით მცირე ასაკში ეს შეიძლება იყოს სათამაშო, რომელიც ბრწყინავს ან ტრიალებს, სხვა სათამაშოების მიმართ კი იჩენენ გულგრილობას. უფრო მოზრდილ ასაკში კი ეს აკვიატებული საგანი შეიძლება ჩანაცვლდეს აკვიატებული გატაცებით: მაგალითად ამინდი, რიცხვები ან სპორტი. მათ ახასიათებთ ასევე გარკვეული რიტუალური ქცევები, მაგალითად ჭამა მხოლოდ სპეციალური ბრძანების შემდეგ, ან მხოლოდ ერთ ამოჩემებულ გზაზე სიარული, ამ რუტინის დარღვევა კი საშიხლად აღიზიანებთ.

რა სიმპტომების და გამოვლილების შემთხვევაში უნდა მივმართოთ მშობელმა ექიმს?

- გამოვლინებები, რომელსაც უნდა მიაქციოს მშობელმა ყურადღება შემდეგია:

- არ თამაშობს წარმოსახვით თამაშებს (მაგალითად თოჯინას აჭამოს საჭმელი და ა.შ.)
- არ აკეთებს აქცენტურებს მისთვის უცხო, საინტერესო მოვლენებზე (მაგალითად არ ინტერესდება თვითმფრინავით, რომელიც ცაზე მიფრინავს...)
- არ ინტერესდება საგნით ან მოვლენით, რომელზეც მთელი გარემო მყოფები აკეთებენ აქცენტს.
- აქვს სხვა ბავშვებთან ურთიერთობის პრობლემა ან საერთოდ არ ურთიერთობს.
- თავს არიდებს თვალთვალში კონტაქტს.
- არ რეაგირებს დაძახებაზე ან მისდამი მიმართული საუბრის დროს ინტერესდება სხვა ხმებით.
- ინტერესდება სხვა ადამიანებით, მაგრამ ვერ ამყარებს კონტაქტს.
- იმეორებს მისდამი მიმართული სიტყვებს ან ექოს.
- უჭირს აზრის ჩვეულებრივი სიტყვებით ან მოქმედებებით გადმოცემა.



• იმეორებს მოძრაობებს პერმანენტულად.
• უჭირს ადაპტირება, როცა მის ცხოვრებაში რაიმე იცვლება.
• აქვს სუნის, გემოს, შეგრძნების, ბერის და მხედველობის აღქმის არადამახასიათებელი უცნაური გამოხატულებები.
• დაივინყა უკვე დასწავლილი უნარ-ჩვევები (მაგალითად დააივინყდა სიტყვები, რომელსაც ამბობდა).
იმ შემთხვევაში, თუ მშობელი

ზემოჩამოთვლილიდან რამდენიმეს მაინც შეამჩნევს, საჭიროა მიმართოს ექიმს, რათა დროულად იქნას გამოვლენილი პრობლემა.
- შესაძლებელია თუ არა აუტიზმის განკურნება?
- აუტიზმის სრული განკურნება შეუძლებელია, თუმცა მისი ადრეული გამოვლენისა და შესაბამისი სპეციალისტების დახმარებით, უამრავი პრობლემის დაძლევა შესაძლებელია.

ქართველი ახალგაზრდების უნიკალური გამოგონება - ხელთათმანი, რომელიც ვირტუალური სამყაროს სრულფასოვან წევრად გაქცევს

"ხელთათმანის გამოყენება შეიძლება სამხედრო სფეროში, რობოტიკაში და მედიცინაშიც. დღეს ექიმებს შეუძლიათ ჩაატარონ ერთი ქვეყნიდან მეორე ქვეყანაში ოპერაცია სპეციალური „ჯოისტიკების“ საშუალებით, მაგრამ არ შეუძლიათ დისტანციურად იგრძნონ სხეულის ტემპერატურა და სიმკვრივე, რაც მნიშვნელოვანია მათთვის. ჩვენი ხელთათმანის მეშვეობით კი მათ ეს შეეძლება".

სამი წლის წინ თბილისში, თავისუფალ უნივერსიტეტში გამართულ პირველ ჰაკათონზე სამმა ახალგაზრდამ წარადგინა "ჯადოსნური ხელთათმანი", სახელად "ინგლავი" (InGlove), რითიც უშუალოდ დაუკავშირდა ვირტუალურ სამყაროს. ვინ არიან ეს ახალგაზრდები, როგორ შეაღწიეს ვირტუალურ სამყაროში და რა შეუძლია მათ ხელთათმანს? - ერთ-ერთი გამომგონებელთან - თბილისის სახელმწიფო უნი-

ვერსიტეტის ფიზიკის მიმართულელების მეორე კურსის სტუდენტი გიორგი მემველიანთან ინტერვიუს უწონალი "გზა" 31 მარტის ნომერში აქვეყნებს, რომლიდანაც ამონარიდებს გთავაზობთ.

გიორგი მემველიანი:
- გუნდში 3 ადამიანი ვართ. ინტერაქტიული ხელთათმანის იდეა ჯერ კიდევ სკოლის პერიოდში ერთ-ერთს - დიმიტრი ცხოვრებაძეს გაუჩნდა და იმ მეგობრებს გაგვიზიარა, ვინც მსგავსი პროექტებით ვიყავით დაინტერესებულნი. დიმიტრიც ჩემსავით კომპოზიციონერს და სექტემბრიდან მასაჩუსეტსის ტექნოლოგიურ ინსტიტუტში გააგრძელებს სწავლას. ჩვენი ტექნიკური ლიდერი არის გიორგი გაბარაშვილი, აგრარული უნივერსიტეტის სტუდენტი და თვითნასწავლი პროფესიონალი ელექტროინჟინერი. ჩვენი გამოგონების საშუალებით ადამიანებს შეუძლიათ,

შეხონ და იგრძნონ ვირტუალურ სამყაროში არსებული ობიექტები. ხელთათმანის თითებში დამონტაჟებულია ვიბრაციის ძრავები და კომპიუტერიდან წამოსული სხვადასხვა სიხშირის სიგნალი იმ ძრავას ამუშავებს, რა თითთაც ეხები ობიექტს, ნივთს სამგანზომილებიან სამყაროში. სხვადასხვა სიმყარის მატერიის ვიბრაციის სიხშირეც განსხვავებულია. გარდა ამისა, ჩაყენებული გვაქვს ტემპერატურის უკუკავშირი, რისი საშუალებითაც სხვადასხვა ტემპერატურის ვირტუალური ობიექტების ტემპერატურას შევიგრძნობთ, ანუ ხელთათმანი გიკეთია ხელზე და როდესაც რაიმეს ეხები, ნამდვილი ხელიც გრძნობს.

- რამდენად უსაფრთხოა ხელთათმანი ადამიანისთვის, ვინც მას მოიხმარს ან, თუ ის სახიფათოა, როგორ შეიძლება დაზიანების თავიდან აცილება?

- დაზიანება გამორიცხულია იქიდან გამომდინარე, ხელი რომ არ დაგეწვას ან გაგეყინოს, ხელთათმანზე სპეციალური ლიმიტი ანუ ზღვარი გვაქვს დაწესებული. ლიმიტის გარეშე დაზიანება შესაძლებელია.

- გარდა კომპიუტერული თამაშების ვირტუალურ სამყაროსთან "ხელის ჩამორთმევისა", რას ფიქრობთ, სად და როგორ შეიძლება ინტერაქტიული ხელთათმანის გამოყენება?

- ძირითადი მიმართულება მაინც თამაშებია. მაგრამ ხელთათმანის გამოყენება შეიძლება სამხედრო სფეროში, რობოტიკაში და მედიცინაშიც. დღეს ექიმებს შეუძლიათ ჩაატარონ ერთი ქვეყნიდან მეორე ქვეყანაში ოპერაცია სპეციალური „ჯოისტიკების" საშუალებით, მაგრამ არ შეუძლიათ დისტანციურად იგრძნონ სხეულის ტემპერატურა და სიმკვრივე, რაც მნიშვნელოვანია

მათთვის. ჩვენი ხელთათმანის მეშვეობით კი მათ ეს შეეძლება.

გამოგონება განვითარებადია და მომავალში ადამიანებს შეეძლება, ჩაიცვან მთლიანი ინტერაქტიული კოსტიუმი და მთელი სხეულით გახდნენ ვირტუალური სამყაროს ნაწილი. ოკულუსის საშუალებით ადამიანებს შეუძლიათ ჩაიხედონ ვირტუალურ სამყაროში. დღეს ინტერნეტით შეგვიძლია დავუკავშირდეთ ერთმანეთს, შევხედოთ, მოვუსმინოთ, მაგრამ არ შეგვიძლია, შევხებოთ ერთმანეთს. მომავალში ეს აუცილებლად შეგვეძლება. წარმოიდგინეთ, თქვენი მონატრებული მეგობარი მსოფლიოს მეორე ნახევარსფეროშია და გადატვირთული რეჟიმის გამო ერთმანეთის ნახვას ვერ ახერხებთ. ჩვენი მომავლის ტექნოლოგია ადამიანებს ამის შესაძლებლობას აუცილებლად მისცემს.

მონატრება

ელიოზ ყველაშვილი



გავიდა ორმოცი ცრემლიანი და ტკივილიანი დღე, ჩემო საყვარელო მამა. უშენოდ თითქოს გაიყინა ყველაფერი, დაგვრჩა ტკბილი მოგონებები, ჩემო თბილო, სიკეთით სავსე, ღმრთიანი მამიკო. ყველაფერი შენს თავს მაგონებს,

რაც კი შენი ხელით არის გაკეთებული. ვერ დამიჯერებია, რომ აღარ გვყავხარ, კარებს რომ აღარ შემოხსნი და აღარ დამიძახებ, - ჩემო მამა. ავადმყოფობით დაღლილი, როგორ დაგვაობლე, ჩემო ტკბილო მამა, შენზე მოგონებებით იწყება დილა და მთავრდება დღე!


29 თებერვალი მეხის დაცემა იყო ჩვენი ოჯახისთვის. ჩემს მარის შენი იმედი ჰქონდა. ყოველდღე გიხსენებს-ჩემი ტკბილი პაპიკო, ჩემი ერთად-ერთი.

დედას დიდი ტკივილი დაუტოვე, სულ ტირის და

შენი მოჯახნი

სსოვნა

გიორგი აზიათარი



ჩემო ერთადერთო სიხარულო, შვილო გიორგი. 5 აპრილს შენი დაბადების დღეა. ვაი, რა მწარეა დედისთვის ყოველი 5 აპრილი. შენ ხომ 26 წელი შეგისრულდებოდა. შვილო, 8 წელი გვამორებს ერთმანეთს. ძალიან მიჭირს უშენობა, დედის ერთადერთო სიცოცხლე. შენ ხომ დედის სიყვარულს სამშობლოს სიყვარული ანაცვალე.

შვილო გიორგი, ჩემო სიცოცხლით სავსე შვილო, შენს მერე დედის დღეს არავის ვახსენებ. შენ ყოველთვის მოგქონდა მინდვრის ყვავილები და დიდი სიყვარულით

და სიხარულით მეფერებოდი.

დედა გენაცვალოს, რაც დრო გადის, უფრო მენატრები. შენს სამარესთან ყოველთვის მოვლენ შენი ახლობლები, შენი კლასელები, რომელთაც არასოდეს არ ავიწყდება და მოგილოცავენ ყოველ დღესასწაულს.

რატომ მესიზმრე წულის საფარველში, მართლა შეწუხდი შვილო? როგორ იქნება, რომ არ გიტარო შენ ჩემო თვალის ჩინო.

დედიკო, სანამ მე ცოცხალი ვარ, ყოველთვის

იფრიალებს საქართველოს დროშა, რომლისთვისაც შენ თავი გახსნიე. სულ მუდამ გენტოს სანთელი, გიო, გიორი ხარ საქართველოსი.

შენი დედა ლიზა და შენი ახლობლები.

დედოფლისწყაროს ხელოვნების სკოლა განახლებულ ოპერისა და ბალეტის თეატრს ეწვია

20 მარტს დედოფლისწყაროს ხელოვნების სკოლის პედაგოგთა და მოსწავლეთა ერთი ჯგუფი ქ. თბილისის ოპერისა და ბალეტის განახლებულ თეატრს ეწვია.

ჯგუფი დაესწრო ზაქარია ფალიაშვილის ოპერას „აბესალომ და ეთერი“.

დიდი ხელოვნება შემეცნება, მხატვრული შემეცნება. მიხარია, რომ მოდიან ახალი თაობები, რომლებშიც ასეთი მაღალი შემეცნების წყურვილები იხსნება.

ყველა ექსკურსია: მუზეუმებში, თეატრებში, საბალეტო და საოპერო სპექტაკლებზე, ახალი თაობების დიდი ინიციატივით ხდება. ამ ინიციატივებს დიდი სიხარულით ხვდება განყოფილების უფროსი ლია ხაჩიაშვილი და ორგანიზებას უკეთებს. მაღლობა მას.

მინდა ვისარგებლო გარემოებით და განვაცხადო, რომ ხელოვნების სკოლა მომავალში აპირებს გახსნას „მაღალი ხელოვნების ინტერნეტ სალონი“ ბავშვებისთვის და ახალგაზრდებისათვის, რათა ხელი შეუწყოს ახალი თაობების ორიენტაციას მაღალ ხელოვნებაში.



ჩვენ იმოსწავლეების შთაბეჭდილებები იხილეთ ჩვენს ფეისბუქის გვერდზე: www.facebook.com/dekoflisnsharos დედოფლისწყაროს ხელოვნების სკოლა. ხელოვნების სკოლის მიერ განხორციელებული



დედოფლისწყარო ხელოვნების სკოლის დირექტორი მარიამ კიკილაშვილი.

ულოცავენ! კუნბ-ფუნდა სპორტი

მამაო ნიკოლო!

გილოცავთ დაბადების დღეს, გისურვებთ დიდხანს სიცოცხლეს, ჯანმრთელობას თქვენს ლამაზ ოჯახთან ერთად. უფალი გწყალობდეთ. მსუბუქად გეტარებინოთ სასულიერო პირის მიმე ჯვარი.

დიდი სიყვარულით და პატივისცემით
თქვენი მრევლი

მამაო და გია გოჭოყიძეებს!

გულწრფელად ვუერთდებით თქვენს სიხარულს შვილების-მანანას და ნიკას ბედნიერებასთან დაკავშირებით. ახალდაქორწინებულებს ვუსურვებთ ჯანმრთელობას, ოჯახურ სიმყუდროვეს და იმ დიდ სიყვარულს, რომელზედაც დამყარებულია ოჯახური ბედნიერება.

დიდი სიყვარულით დედოფლისწყაროს მხარეთმცოდნეობის მუზეუმის თანამშრომლები.

სოსო პოპიაშვილს!

დედოფლისწყაროს მუნიციპალიტეტის სპორტისა და ახალგაზრდობის საქმეთა ცენტრის თანამშრომლები მეორე ქალიშვილის-თამარის დაბადებას ულოცავენ სოსო პოპიაშვილს. ახალდაბადებულს უსურვებენ ჯანმრთელობას და ნათელ მომავალს, მშობლებს კი-მისით გახარებას.

ლია გაიფოვილს!

ზურა ბოკლიკიშვილს!

გილოცავთ შვილიშვილის- პატარა კატოს დაბადებას. ახალდაბადებულს ვუსურვებთ ჯანმრთელობას, ბედნიერ მომავალს და უფლის წყალობას.

დიდი სიყვარულით დედოფლისწყაროს მხარეთმცოდნეობის მუზეუმის თანამშრომლები.

ეთერ და გივი ბუნაშვილებს!

გილოცავთ შვილიშვილის-გიორგის დაბადებას. ახალდაბადებულს ვუსურვებთ ჯანმრთელი და ბედნიერი ბიჭი გაზრდილიყოს.

პატივისცემით დედოფლისწყაროს მხარეთმცოდნეობის მუზეუმის თანამშრომლები.

ვიოლა ნატროშვილს!

გილოცავთ დაბადების დღეს. გისურვებთ ჯანმრთელობას, დიდხანს სიცოცხლეს, გახარებას შენს ლამაზ ოჯახთან ერთად, წარმატებებს პროფესიულ საქმიანობაში.

უფლის წყალობა არ მოგკლებოდეთ.

პატივისცემით,
ზამო მაჩხაიანის აგულაშორის თანამშრომლები.

ვიოლა ნატროშვილს!

მთელი სულითა და გულით გილოცავთ დაბადების დღეს. გისურვებთ ჯანმრთელობას, სიმხნევებს, სიხარულს, სიყვარულს და ყოველივე კარგს პირად ცხოვრებაში. უფლის წყალობა და მფარველობა არ მოგკლებოდეს.

პატივისცემით,
ნინო და ლალი ჯანაშვილები, წელი ნატროშვილი.

ვიოლა ნატროშვილს!

გინდა ერთად მოგილოცოთ გაზაფხულის მობრძანება, ქალთა დღესასწაულები და 4 აპრილის საიუბილეო თარიღი. ექიმობასთან ერთად თქვენ მრავალმხრივი საქმიანობის ნიჭით დაგაჯილდოვებთ უფალმა და შემოსავლების დიდ ნაწილს საზოგადოებრივ საქმიანობასა და ქველმოქმედებას ახმაროთ. ასე მხოლოდ რჩეულები თუ იქცევიან. გულითადად გილოცავთ იუბილეს და გისურვებთ, კიდევ მრავალი წელი ყოფილიყავით ერისა და ბერის სამსახურში. უფალი იყოს თქვენი ყველა წამოწყების შემნე.

პატივისცემით ასოციაცია „დედოფლისწყაროს ქალბავშვების“ დამფუძნებლები

ვიოლა ნატროშვილს!

ვიოლეტა, თქვენ ჩვენი სამედიცინო ცენტრის ნაწილი ხართ, რადგან მრავალი წელი სწორედ ჩვენთან მუშაობას შეაღიეთ. დღეს თქვენ მშობლიურ სოფელს ემსახურებით, მაგრამ ჩვენთვის მაინც ოჯახის წევრივით ხართ. გილოცავთ 4 აპრილის საიუბილეო თარიღს. ჯანმრთელობა, სიხარული და სამსახურებრივი შრომით დადღის სიამოვნება არ მოგაკლებოდეთ. გაგახაროთ და გაგაფუფუნოთ ზეციერმა ძალამ თქვენს დიდ ოჯახში. მხოლოდ კარგი გვესმოდეს თქვენგან.

პატივისცემით სოფელ ოუანის სამედიცინო ცენტრის მედიკოსი

ქ. თბილისში ჩატარდა ევრაზიის თასის გათამაშება, სადაც მონაწილეობდნენ საქართველოს, აზერბაიჯანისა და სომხეთის სპორტული გუნდები. ერთმანეთს ეჯიბრებოდა 130 სპორტსმენი. ზემო მაჩხაიანის კლუბიდან ასპარეზობაში მონაწილეობას იღებდა სანდრო ნატროშვილი, რომელმაც ასახელა საქართველოც და ჩვენი მუნიციპალიტეტიც. მან ყველა ორთაბრძოლა ნოკაუტით დამთავრა და, საბოლოოდ, პირველი ადგილის მფლობელი გახდა.

5-26 მარტს მარნეულში ჩატარდა საერთაშორისო ტურნირი კიკბოქსინგში „ბრძოლა K-1“ წესებით, სადაც მონაწილეობა მიიღო ზემო მაჩხაიანელმა სანდრო ნატროშვილმა. მან არც ამჯერად გაუმტყუვნა იმედი გულშემატკივრებს და ტურნირის ჩემპიონის ტიტული მოიპოვა 71 კგ. წონით კატეგორიაში.

გუნდის მწვრთნელია ბენადი ნატროშვილი.

ყურადღება!

1994 წლიდან ლიცენზირებული ავტოსკოლა, რეგისტრირებული ქ. თბილისში, მოამზადებს და გადაამზადებს ტრანსპორტის მძღოლებს ქ. დედოფლისწყაროში და გასცემს სწავლების კურსის გაგლის დამადასტურებელ მოწმობას. დამატებითი ინფორმაციისთვის დაგვიკავშირდით:

☎ 593 11 24 15

სიხლე დედოფლისწყაროში

„სანო“ - ცხოველთა კვებითი დანამატების მწარმოებელი უმსხვილესი გერმანული კომპანია უკვე საქართველოშია. პოლდინგი 42 წლის მანძილზე წარმატებით მოქმედებს მსოფლიო ბაზარზე და მომხმარებელს სთავაზობს უმაღლესი ხარისხის პროდუქციას, როგორცაა მინერალური საკვები პრემიქსის სახით, კონცენტრირებული ამინოპროტეინების კომპლექსი. „სანოს“ კონცენტრატის წარმოადგენს ცხოველთა ჯანმრთელობის დაბალანსება მხოლოდ ჯანსაღი, არაგენმოდულიცირებული კვებით, ყოველგვარი ქიმიკატების გარეშე.

გარდა მაღალი ხარისხის პროდუქტისა, გერმანული სპეციალისტები მომხმარებელს გაუწევენ მუდმივ კონსულტაციებს, შეიმუშავენ ინდივიდუალურ რეცეპტურას, დაწერავენ თანამედროვე ტექნოლოგიებს და ინოვაციებს მეცხოველეობაში. პროექტში ჩართებიან და დასაქმდებიან მომავალი ქართველი სპეციალისტები, პროფესიულ კვების მომზადების სერთიფიცირებული ცხოველთა კვების ტექნოლოგები, ვეტერინარები, კონსულტანტები.

დამატებითი ინფორმაციისთვის და „სანოს“ პროდუქტის შესაძენად მიმართეთ ზოოვეტერინარულ მაღაზიას. დედოფლისწყარო, რუსთაველის ქ. №4. ავტოგასამართი სადგურის „სოკარის“ მოპირდაპირე მხარეს

ამინდი		დედოფლისწყარო												
ორშაბათი 04.04	სამშაბათი 05.04	ოთხშაბათი 06.04	ხუთშაბათი 07.04	პარასკევი 08.04	შაბათი 09.04	კვირა 10.04	ორშაბათი 04.04	სამშაბათი 05.04	ოთხშაბათი 06.04	ხუთშაბათი 07.04	პარასკევი 08.04	შაბათი 09.04	კვირა 10.04	
დღე	ღამე	დღე	ღამე	დღე	ღამე	დღე	დღე	ღამე	დღე	ღამე	დღე	ღამე	დღე	ღამე
3°	2°	7°	6°	8°	7°	10°	8°	11°	10°	14°	12°	12°	10°	10°

გამომცემელი შპს „შირაქი“ დირექტორი ინგა შიოლაშვილი რედაქტორი ნინო გორაშვილი-პოპიაშვილი წერილში მოყვანილ ფაქტებსა და ციფრებს პასუხს აძებს ავტორი.	სარედაქციო კოლეგია: ლალი მხარბიშვილი, ილია მარტყოფიშვილი (ჟურნალისტიკა); ელა ხარაშვილი (სტილისტი-მწერელი); ნათია გოსტაშვილი (ბუღალტერი); ნინო ჯანაშვილი (ოფის-მენეჯერი); მზინა ქანაძე (დისტრიბუტორი); ზურაბ ბუნაშვილი (კომპიუტერული უზრუნველყოფა). გაზეთი აიწყო და დაკაბადონდა „შირაქის“ კომპიუტერულ ბაზაზე. ყოველკვირეული გამოცემა იბეჭდება შ.პ.ს. „სამშობლოს“ სტამბაში.	რედაქციის მისამართი: ქალაქი დედოფლისწყარო, ფიროსმანის №18, ტელ. 0 356 22 55-49; 598 72-18-72 (დირექტორი) 591-97-73-26 (რედაქტორი)	რეგისტრირებულია დედოფლისწყაროს რაიონის სასამართლოს მიერ, №6014-468.
---	--	---	---